



Ofisina Sentral di Statistik

Informashon : (+599 9) 8392300

Adrès: WTC Building, Piscaderabay s/n

E-mail: info@cbs.cw

Website: www.cbs.cw

Facebook: cbscur

Komunikado pa Prensa

Willemstad, 26 òktober 2020

Sifra índise di preis pa konsumidó pa luna di sèptèmber 2020

Desaroyo di preisnan pa konsumidó na Kòrsou pa luna di sèptèmber 2020

For di sifra ku Ofisina Sentral di Statistik (CBS) a publiká awe ta indiká ku e nivel di preis promedio a subi ku 0.5 porshento na luna di sèptèmber 2020 kompará ku luna di ougùstùs 2020. E sifra di inflashon a baha bira 2.3 porshento.

Desaroyo di preis luna di sèptèmber 2020 kompará ku luna di ougùstùs 2020


E sifra índise di preis pa konsumidó (CPI, “Consumer Price Index”) di Kòrsou a subi ku 0,5 porshento na luna di sèptèmber 2020 kompará ku luna di ougùstùs 2020, esta di 135.7 na ougùstùs pa 136.4 na sèptèmber 2020.

E kambionan di preis spesífiko ku mas a sobresalí durante luna di sèptèmber 2020 ta; a bira mas karu elektrisidat (3.7%), gasoil (3.4%), gasolin (2.7%), kerosin (2.2%), awa (1.7%), produktonan traha di lechi (1.4%), suku i chukulati (1.2%), batata, berdura i fruta (0.8%), i mas barata artíkulonon di hòbi (-1.3), vèt komestibel (-0.7), i aparatonan i hèrmèn i kas (-0.4)

Desaroyo di preis luna di sèptèmber 2020 kompará ku luna di sèptèmber 2019

E CPI di sèptèmber 2020 (136.4) ta 2.1 porshento mas haltu ku e CPI di sèptèmber 2019 (133.6). E sifranan aki ta indiká ku e nivel di preis pa konsumidó durante luna di sèptèmber 2020 ta 2.1% mas haltu kompará ku e mes un luna na 2019. E kategorianan ku a kontribuí mas tantu na e subida aki ta bebida, sigaria, komestibel i salubridat.

Desaroyo di preis riba término largu: inflashon sèptèmber 2020



Inflashon ta reflehá pèrdida di balor di sèn, pues di forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku sèptèmber 2020 ku mes periodo un aña anterior, ta resultá ku preisnan na averahe a subi ku 2,3 porshento: e CPI promedio di 12 luna a desaroyá di 131.2 na sèptèmber 2019 pa 134.3 na sèptèmber 2020.